



CH-7144 Vella, 25 da matg 2018

Novitads dalla suprastanza communal

Lescha davart igl uorden public per la vischnaunca Lumnezia

La suprastanza communal ha approbau il sboz dalla lescha davart igl uorden public per la vischnaunca da Lumnezia. A caschun dad ina sera d'informaziun ils 2 da matg 2018 ei quel vegnius presentaus alla populaziun. Il zercladur vegn el mess avon alla radunonza communal. La votaziun all'urna ei prevedida ils 23 da settember 2018. Leschas, disposiziuns e reglaments dalla vischnaunca Lumnezia ein d'anflar sin <http://www.lumnezia.ch/publicaziuns/legislaziun.html>

Lescha pil manteniment dallas ovras da meglieraziun per la vischnaunca Lumnezia

Ils 04 da mars 2018 ha la cuminonza dils votants all'urna approbau la Lescha pil manteniment dallas ovras da meglieraziun per la vischnaunca Lumnezia cun 736 encunter 91 vuschs.

Ordinaziun pil diever da parcadis publics

La suprastanza communal ha approbau l'ordinaziun pil diever da parcadis publics. Las taxas annualas per parcadis attribui ni affittai ad in object ni menaschi vegnan fixadas dalla suprastanza communal el rom da CHF 300.00 – 600.00, risguardond il liug e la qualidad dil plaz.

Revisiun parziala dil reglament da fatschenta dalla suprastanza communal per la vischnaunca Lumnezia

La revisiun parziala dil reglament da fatschenta dalla suprastanza communal per la vischnaunca Lumnezia cuntegn principalmein ina midada dil camp d'actividad denter il departament 1 (administraziun, segirtad publica, finanzas e taglias, sanadad, segirtad sociala) ed il departament 2 (educaziun). Las funcziuns 544 (proteccziun dalla giuventetgna) e 545 (prestaziuns a famiglias) vegnan transferidas dil departament 1 el departament 2. Plinavon vegnan precisadas las funcziuns dils departaments communs.

Indrezs da pilotadi per il provediment d'aua dalla vischnaunca Lumnezia

La suprastanza communal ha surdau l'incarica dallas lavurs d'inschignier pil sistem d'automaziun e tecnica da pilotadi per il provediment d'aua alla firma Mullis + Cavegn SA da Cuera. Quei sin fundament d'ina procedura da submissiun.

Surdadas incaricas da lavur

La suprastanza communal ha decidiu las suandontas surdadas dallas incaricas da lavur:

- a. Sanaziun dallas vias da funs Suraua 2. etappa (vias nr. 2 e 3):
 - lavurs impressari da baghegiar alla fatschenta Bobag AG da Valendau
- b. Avertura dil quartier Bual a Morissen:
 - lavurs d'inschignier alla fatschenta Collenberg insch. S.c.r.l. da Lumbrein
- c. Avertura 2. etappa dil Quartier Bual a Vella:
 - lavurs d'inschignier a Clemens Arpagaus insch. da Vella
 - lavurs impressari da baghegiar alla fatschenta Savoldelli Tanno SA da Vella
 - installaziuns sanitaras alla fatschenta Oscar Caduff SA da Cumbel
- d. Sanaziun dalla via Quadra – s. Bistgaun a Degen:
 - lavurs impressari da baghegiar alla fatschenta Collenberg SA da Lumbrein
- e. Sanaziun dalla via Pleif a Vella:
 - lavurs per cuvrida da bitumen alla fatschenta Mettler Prader AG da Glion
- f. Sanaziun dalla Serenera Cumbel -- Morissen:
 - lavurs impressari da baghegiar alla fatschenta Savoldelli Tanno SA da Vella
 - lavurs pil sistem controlla da process alla fatschenta SMW-Spaltenstein da Wald

- lavurs pigl equipament da maschinas electricas alla fatschenta SMW-Spaltenstein da Wald
- lavurs dil stabiliment da precipitaziun da fosfat alla firma Ensola Wassertechnik AG da Urdorf

Spazi d'aua sin territori dalla vischnaunca Lumnezia

Tenor il manual digl uffeci per natira ed ambient (UNA) ston da pincipi tut las auas ch'ein vesiblas silla carta naziunala da 1:25'000 vegnir fixadas sco spazi d'aua. Ils uals el territori dalla vischnaunca Lumnezia ein vegnir valetai per quei intent. Tenor la reit dad auas sin territori dalla vischnaunca Lumnezia cumpeglia l'entira lunghezia dils uals e flums rodund 410 km. Previsiblamein pretendan biebein 70 km ina classificaziun sco spazi d'aua. Las documentaziuns vegnan preparadas aschinavon ch'ellas san vegnir inoltradas agl UNA per examinaziun. La suprastanza communal ha surdau las lavurs da preparaziun alla fatschenta Remund + Kuster da Maiavilla.

Gruppa da giugs per affons

Dapi entgins onns exista ina curvegna da prestaziun denter la vischnaunca Lumnezia e l'Uniun gruppa da giug per affons pigns Glion per menar a Cumbel la gruppa da giug per la vischnaunca Lumnezia. Actualmein frequenta Nadja Caviezel-Bass da Vella ina scolaziun sco menadra da gruppas da giug e la suprastanza communal ha decidiu da surdar ad ella quell'incarica naven digl onn da scola 2018/2019.

Sustegns finanzials

La suprastanza communal ha decidiu da sustener ils suandonts projects cun ina contribuziun finanziala:

- il project da stad dalla Pro Juventute Lumnezia
- la Fundaziun Grischuna per la fotografia, pil pli vegl film dalla Surselva
- il cudisch Njala dall'autura Barla Colucello
- il Bike Marathon Lumnezia – Sursaissa
- il Team sport da neiv Surselva
- las uniuns da Suraua, per remplazzar indrezs da cuschina ella casa da scola ad Uors.

Revisurat dalla vischnaunca Lumnezia

Tenor art. 56 dalla constituziun dalla vischnaunca Lumnezia elegia la suprastanza communal il post da revisiun sin proposta dalla cumissiun da gestiun.

La suprastanza communal ha surdau il mandat da revisiun che pertucca ils quens annuals per la perioda d'uffeci 2017-2020 alla Confidar Fiduziaria SA, Via dalla scola 59, 7130 Glion.

Conclus dalla radunonza communal Lumnezia dils 16 da mars 2018

Dalla radunonza communal Lumnezia dils 16 da mars 2018 ha ils votants concediu ils suandonts credits:

- CHF 160'000.00 per la fundaziun dalla Infra Mundaun AG
- CHF 200'000.00 per la sanaziun dalla Via Quadra – s. Bistgau a Degen
- CHF 402'000.00 per il plaz da fermada, da semenar e da parcar, passapei e senda a Valgronda, Cumbel
- CHF 566'000.00 per la sanaziun dalla via Puzsatsch – Parvalsauns
- CHF 200'000.00 pigl engrondiment parcadi e per ina tualetta publica a Parvalsauns
- CHF 450'000.00 per la cumpra dad in auto-cistiarna da pumpiers